

**ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԱՐՏԱՀԱՆՄԱՆ ԽԹԱՆՄԱՆ ՆՊԱՏԱԿՈՎ
ՕԺԱՆԴԱԿՈՒԹՅԱՆ ՏՐԱՄԱԴՐՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Գլխավոր տեղեկություն

Համար N 98-Ն

Տիպ Որոշում

Ակտի տիպ Ինկորպորացիա (05.06.2026-մինչ օրս)

Կարգավիճակ Գործում է

Սկզբնաղբյուր Միասնական կայք 2025.01.20-2025.02.02
Պաշտոնական հրապարակման օրը 30.01.2025

Ընդունող մարմին ՀՀ կառավարություն

Ընդունման ամսաթիվ 23.01.2025

Ստորագրող մարմին ՀՀ վարչապետ

Ստորագրման ամսաթիվ 30.01.2025

Ուժի մեջ մտնելու ամսաթիվ 01.02.2025

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

23 հունվարի 2025 թվականի N 98-Ն

ԱՐՏԱՀԱՆՄԱՆ ԽՁՆԱԿԱՆ ԵՎ ԿԱՌԱՎԱՐՈՒԹՅԱՆ ՏՐԱՄԱԴՐՄԱՆ ԾՐԱԳԻՐԸ
ՀԱՍՏԱՏԵԼՈՒ ՄԱՍԻՆ

Դեկլարվելով «Արդյունաբերական քաղաքականության մասին» օրենքի 4-րդ հոդվածի 1-ին մասի 8-րդ և 15-րդ կետերով, 2-րդ մասով, 23-րդ հոդվածով՝ Հայաստանի Հանրապետության կառավարությունը **որոշում է.**

1. Հաստատել Արտահանման խթանման նպատակով օժանդակության տրամադրման ծրագիրը՝ համաձայն հավելվածի:

2. Սահմանել, որ սույն որոշման 1-ին կետով հաստատված ծրագրով նախատեսված օժանդակությունը տրամադրվելու է 2025 թվականի փետրվարի 1-ից մինչև 2026 թվականի դեկտեմբերի 31-ը ներառյալ կատարված արտահանումների համար:

(2-րդ կետը փոփ. 05.06.25 N 739-Ն)

3. Հայաստանի Հանրապետության Էկոնոմիկայի նախարարին՝ սույն որոշումն ուժի մեջ մտնելուց հետո՝

1) մեկամսյա ժամկետում հաստատել արտահանման խթանման նպատակով օժանդակության տրամադրման մասին պայմանագրի օրինակելի ձևը.

2) մեկամսյա ժամկետում Հայաստանի Հանրապետության վարչապետի աշխատակազմ ներկայացնել առաջարկություններ «Հայաստանի Հանրապետության 2025 թվականի պետական բյուջեի մասին» Հայաստանի Հանրապետության օրենքում վերաբաշխում և լրացում և Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեի կատարումն ապահովող միջոցառումների մասին» N 2060-Ն որոշման մեջ համապատասխան փոփոխություններ և լրացումներ կատարելու մասին.

3) կիսամյակային պարբերականությամբ իրականացնել Հայաստանի Հանրապետությունից դեպի Եվրոպական միության անդամ հանդիսացող պետություններ, Մեծ Բրիտանիայի և Հյուսիսային Իռլանդիայի Միացյալ Թագավորություն և Կանադա արտահանման ցուցանիշների վերլուծություն (այդ թվում՝ օժանդակություն ստացած կազմակերպությունների վճարած հարկերի, ստեղծած աշխատատեղերի և վճարած աշխատավարձերի) և դրա արդյունքները յուրաքանչյուր կիսամյակի ավարտից հետո մեկամսյա ժամկետում ներկայացնել Հայաստանի Հանրապետության վարչապետի աշխատակազմ:

(3-րդ կետը փոփ. 05.06.25 N 739-Ն)

4. Սույն որոշումն ուժի մեջ է 2025 թվականի փետրվարի 1-ից:

(4-րդ կետը փոփ. 09.04.26 N 469-Ն)

Հայաստանի Հանրապետության
վարչապետ

Ն. Փաշինյան

Երևան

30.01.2025
ՀԱՎԱՍՏՎԱԾ Է
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՄԸ

Հավելված
ՀՀ կառավարության 2025 թվականի
հունվարի 23-ի N 98-Ն որոշման

Ծ Ր Ա Գ Ի Ր

ԱՐՏԱՀԱՆՄԱՆ ԽՁՆԱԿԱՆ ԵՎ ԿԱՌԱՎԱՐՈՒԹՅԱՆ ՏՐԱՄԱԴՐՄԱՆ

1. Սույն ծրագրով կարգավորվում են Հայաստանի Հանրապետության ռեզիդենտ կազմակերպությունների և Հայաստանի Հանրապետությունում հաշվառված անհատ ձեռնարկատերերի կողմից Հայաստանի Հանրապետության ծագում ունեցող ապրանքների արտահանման ժամանակ ներմուծվող երկրի օրենսդրությանը համապատասխան այդ ապրանքի համար սահմանված մաքսատուրքի դրույքաչափով հաշվարկված գումարին համարժեք օժանդակության տրամադրման հետ կապված հարաբերությունները:

2. Սույն ծրագրի իմաստով՝

1) արտահանող՝ Հայաստանի Հանրապետության ռեզիդենտ կազմակերպություն կամ Հայաստանի Հանրապետությունում հաշվառված անհատ ձեռնարկատեր, որը Հայաստանի Հանրապետությունից «Արտահանում» կամ «Վերաարտահանում» մաքսային ընթացակարգով արտահանել է Հայաստանի Հանրապետության ծագում ունեցող ապրանք.

2) օժանդակության տրամադրման գումար՝ ներմուծման երկրի օրենսդրությամբ տվյալ ապրանքի համար սահմանված մաքսատուրքի դրույքաչափով հաշվարկված գումար:

3) ներմուծվող պետություն՝ Եվրոպական միության անդամ հանդիսացող պետություն, Մեծ Բրիտանիայի և Հյուսիսային Իռլանդիայի Միացյալ Թագավորություն և Կանադա:

4) պատասխանատու նախարարություն՝ Հայաստանի Հանրապետության Էկոնոմիկայի նախարարություն:

5) ապրանք՝ Գյուղատնտեսություն, անտառային տնտեսություն և ձկնորսության (տնտեսական գործունեության տեսակի դասակարգիչ՝ A) ՏՏՏԴ A 01.1 (բացառությամբ՝ ՏՏՏԴ A 01.11, ՏՏՏԴ A 01.12, ՏՏՏԴ A 01.14, ՏՏՏԴ A 01.15), ՏՏՏԴ A 01.2 խմբերի արտադրանքը (ապրանքը), մշակող արդյունաբերության (տնտեսական գործունեության տեսակի դասակարգիչ՝ C) արտադրանքը (ապրանքը) (բացառությամբ՝ ՏՏՏԴ C 10.81, ՏՏՏԴ C 10.82, ՏՏՏԴ C 12, ՏՏՏԴ C 19, ՏՏՏԴ C 24, ՏՏՏԴ C 32.1), որոնց ծագման երկիրը Հայաստանի Հանրապետությունն է: Սույն կետի կիրառության իմաստով ապրանք է հանդիսանում նաև C 24.2, C 24.42.0-ից այլումինե նրբաթիթեղի արտադրության արտադրանքը և այլումինե նրբաթիթեղից, որպես հիմնական բաղադրիչ, այլումինե շերտավորված նրբաթիթեղի արտադրության արտադրանքը, որոնց ծագման երկիրը Հայաստանի Հանրապետությունն է:

6) շահառու՝ արտահանող, որը պատասխանատու նախարարություն է ներկայացրել հայտ օժանդակություն ստանալու նպատակով, և ներկայացված հայտը բավարարում է սույն ծրագրի պահանջներին:

(2-րդ կետը փոփ. 05.06.25 N 739-Ն, լրաց. 04.12.25 N 1758-Ն, փոփ. 09.04.26 N 469-Ն, լրաց. 04.06.26 N 803-Ն, լրաց., փոփ. 04.06.26 N 803-Ն)

3. Արտահանման խթանման նպատակով արտահանողին տրամադրվում է օժանդակություն ապրանքի արտահանումից հետո ներմուծվող երկրի օրենսդրությամբ այդ ապրանքի համար սահմանված մաքսատուրքի դրույքաչափին համապատասխան հաշվարկված գումարի չափով, եթե ներմուծման երկիր ապրանքի համար սահմանված չէ մաքսատուրքի գրոյական դրույքաչափ: Ընդ որում, եթե ներմուծման երկրում որևէ ապրանքի համար սահմանված մաքսատուրքի դրույքաչափն ավելին է, քան 20 %-ը, ապա օժանդակության գումարի հաշվարկման համար որպես հաշվարկային մեծություն հիմք է հանդիսանում 20 % դրույքաչափ:

4. Օժանդակության տրամադրման գումարի հաշվարկման համար հիմք է հանդիսանում արտահանող երկրի ապրանքային հայտարարագրի մաքսային արժեքի («մաքսային տարածքում վերամշակում» ընթացակարգով ներմուծած և հետագայում «վերաարտահանում» ընթացակարգով արտահանած հայկական ծագման ապրանքների դեպքում՝ այդ ապրանքների ստացման նպատակով վերամշակման ծառայության արժեքի) և ներմուծման երկրում փաստացի կիրառված մաքսատուրքի դրույքաչափով հաշվարկված գումարը: Ընդ որում, եթե արտահանող երկրի ապրանքային հայտարարագրի մաքսային արժեքի և ներմուծման երկրում փաստացի կիրառված մաքսատուրքի դրույքաչափով հաշվարկված գումարն ավելի մեծ է, քան ներմուծման երկրի ապրանքային հայտարարագրի մաքսային արժեքի և ներմուծման երկրում փաստացի կիրառված մաքսատուրքի դրույքաչափով հաշվարկված գումարը, ապա փոխհատուցումը տրվում է դրանցից նվազագույնի չափով:

5. Օժանդակությունը տրամադրվում է շահառուին Հայաստանի Հանրապետության պետական բյուջեի միջոցների հաշվին:

6. Սույն հավելվածի 4-րդ կետով սահմանված մաքսային արժեքն արտարժույթով արտահայտված լինելու դեպքում օժանդակության տրամադրման գումարը հաշվարկվում է օժանդակության տրամադրման գումարի վճարման օրվա դրությամբ Հայաստանի Հանրապետության կենտրոնական բանկի կողմից տվյալ օրվա համար հրապարակված փոխարժեքով:

7. Արտահանողն ապրանքի արտահանման գործընթացի ավարտից (ապրանքները Հայաստանի Հանրապետության պետական սահմանը հատելու ամսաթվից) հետո վեցամսյա ժամկետում օժանդակություն ստանալու նպատակով հայտ է ներկայացնում պատասխանատու նախարարություն՝ համաձայն N 1 ձևի: Հայտը կարող է ներկայացվել նաև Էլեկտրոնային փոստով (Էլ. հասցե՝ secretariat@mineconomy.am), որի դեպքում հայտատուն հայտը հաստատում է Էլեկտրոնային ստորագրությամբ կամ ուղարկում է ստորագրված բնօրինակ փաստաթղթի սկանավորված տարբերակը:

8. Արտահանողի նկատմամբ հայտի ներկայացման օրվան նախորդող 365 օրերի ընթացքում առկա չէ հարկային մարմնի կողմից վերահսկվող եկամուտների գծով մեկ միլիոն դրամ և ավելի հարկային պարտավորությունների մասով գանձման որոշում կամ որոշումներ, որոնց շրջանակներում գանձման ենթակա հարկային պարտավորությունների հանրագումարը կազմում է մեկ միլիոն դրամ և ավելի, և արտահանողը հայտի ներկայացման օրվան նախորդող օրվա դրությամբ չունի հարկային մարմնի կողմից վերահսկվող եկամուտների գծով ժամկետանց պարտավորություններ:

(8-րդ կետը խմբ. 05.06.25 N 739-Ն, լրաց. 04.12.25 N 1758-Ն)

9. Սույն ծրագրի 8-րդ կետի պահանջներին համապատասխանությունը հստակեցնելու նպատակով պատասխանատու նախարարությունը հայտն ստանալուց հետո 2 աշխատանքային օրվա ընթացքում պաշտոնական հարցում է կատարում Պետական եկամուտների կոմիտե, որը հարցումը ստանալուց հետո 5 աշխատանքային օրվա ընթացքում հարցման վերաբերյալ տեղեկատվությունը տրամադրում է պատասխանատու:

Նախարարությանը:

10. Արտահանողը հայտին կից պատասխանատու նախարարություն ներկայացնում է հետևյալ փաստաթղթերը՝

1) արտահանման մաքսային հայտարարագրի («մաքսային տարածքում վերամշակում» ընթացակարգով ներմուծած և հետագայում «վերարտահանում» ընթացակարգով արտահանած հայկական ծագման ապրանքների դեպքում այդ ապրանքների ստացման նպատակով վերամշակման ծառայության արժեքը հավաստող փաստաթղթերի (հաշվարկային փաստաթուղթ, ոչ ռեզիդենտին տրամադրվող՝ ապրանքի մատակարարումը հավաստող փաստաթուղթ (ինվոյս), պայմանագիր և այլն), հաշվարկային փաստաթղթի, ներմուծող և արտահանող կողմերի միջև կնքված արտահանման մասին պայմանագրի և արտահանումը հավաստող այլ փաստաթղթերի պատճենները, ներմուծման հայտարարագրերի պատճենները՝ հաստատելով, որ պատճենները համապատասխանում են բնօրինակին.

2) արտահանվող ապրանքի խմբաքանակի՝ Հայաստանի Հանրապետության ծագումը հավաստող փաստաթղթի պատճենը՝ հաստատելով, որ համապատասխանում է բնօրինակին.

3) **(Ենթակետն ուժը կորցրել է 05.06.25 N 739-Ն)**

4) Հայաստանի Հանրապետության արդարադատության նախարարության իրավաբանական անձանց պետական ռեզիստրի գործակալությունում պետական գրանցումը հավաստող վկայականի պատճենը.

5) բանկային հաշվեհամարը.

6) հայտարարություն՝ համաձայն N 2 ձևի.

7) այլ տեղեկություն՝ հայտատուի ցանկությամբ:

(10-րդ կետը փոփ. 05.06.25 N 739-Ն)

11. Արտահանողը Հայաստանի Հանրապետության օրենսդրությամբ սահմանված կարգով պատասխանատվություն է կրում իր կողմից ներկայացված փաստաթղթերի և տեղեկատվության իսկության համար:

12. Պատասխանատու նախարարությունը հայտն ստանալուց հետո 15 աշխատանքային օրվա ընթացքում ուսումնասիրում է փաստաթղթերը և դրանց ամբողջական լինելու դեպքում 10 աշխատանքային օրվա ընթացքում արտահանողի հետ կնքում է օժանդակության տրամադրման մասին պայմանագիր՝ համաձայն հաստատված օրինակելի ձևի:

(12-րդ կետը փոփ. 04.12.25 N 1758-Ն)

13. Հայտի և կից փաստաթղթերի ամբողջական չլինելու կամ դրանցում անհամապատասխանություններ առկա լինելու դեպքում պատասխանատու նախարարությունը հայտն ստանալու օրվան հաջորդող 15 աշխատանքային օրվա ընթացքում այդ մասին գրավոր տեղեկացնում է արտահանողին՝ առաջարկելով 10 աշխատանքային օրվա ընթացքում լրացնել փաստաթղթերը կամ շտկել դրանցում առկա անհամապատասխանությունները և փաստաթղթերի լրամշակված փաթեթը ներկայացնել պատասխանատու նախարարություն:

(13-րդ կետը փոփ. 04.12.25 N 1758-Ն)

14. Պատասխանատու նախարարությունը փաստաթղթերի լրամշակված փաթեթն ստանալուց հետո 10 աշխատանքային օրվա ընթացքում ուսումնասիրում է այն և ամբողջական լինելու դեպքում 10 աշխատանքային օրվա ընթացքում արտահանողի հետ կնքում օժանդակության տրամադրման մասին պայմանագիր:

(14-րդ կետը փոփ. 04.12.25 N 1758-Ն)

15. Հայտատուի կողմից ներկայացված հայտը ենթակա է մերժման, եթե՝

1) հայտատուն դատական կարգով ճանաչված է սևանկ.

2) հայտով և կից փաստաթղթերով ներկայացված տեղեկատվությունը չի համապատասխանում սույն ծրագրի պահանջներին.

3) սույն ծրագրի 13-րդ կետով սահմանված ժամկետում ամբողջական կամ հայտի՝ անհամապատասխանությունները շտկված տարբերակը չի ներկայացվել պատասխանատու նախարարություն կամ կրկին ներկայացվել է ոչ ամբողջական կամ դրանցում կրկին առկա են անհամապատասխանություններ.

4) հայտատուի նկատմամբ օժանդակություն ստանալու նպատակով հայտը պատասխանատու նախարարություն ներկայացնելու օրվան նախորդող 365 օրերի ընթացքում առկա է հարկային մարմնի կողմից վերահսկվող եկամուտների գծով մեկ միլիոն դրամ և ավելի հարկային պարտավորությունների մասով գանձման որոշում կամ որոշումներ, որոնց շրջանակներում գանձման ենթակա հարկային պարտավորությունների հանրագումարը կազմում է մեկ միլիոն դրամ և ավելի կամ հայտատուն հայտի ներկայացման օրվան նախորդող օրվա դրությամբ ունի հարկային մարմնի կողմից վերահսկվող եկամուտների գծով ժամկետանց պարտավորություններ.

5) ապրանքի արտահանումից հետո վեցամսյա ժամկետում պատասխանատու նախարարություն հայտ չի ներկայացվել:

(15-րդ կետը խմբ. 05.06.25 N 739-Ն, լրաց., փոփ. 04.12.25 N 1758-Ն)

16. Պատասխանատու նախարարությունն օժանդակության տրամադրման մասին պայմանագիրը կնքելու օրվան հաջորդող 15 աշխատանքային օրվա ընթացքում օժանդակության գումարը փոխանցում է շահառուի հաշվեհամարին:

ՀՎՀՀ

Գտնվելու վայրի (հաշվառման վայրի)
հասցե —

Պետական ռեգիստրում գրանցման
համար —
Հեռախոսահամար

Էլ. փոստ —

Պատասխանատու կոնտակտային
անձ

Ա.Ա.Հ.

Պաշտոնը

Հեռախոսահամարը

Փոստային հասցեն

Էլ. փոստ

Հ Ա Յ Տ

ԱՐՏԱՀԱՆՄԱՆ ԽԹԱՆՄԱՆ ՆՊԱՏԱԿՈՎ ՕԺԱՆԴԱԿՈՒԹՅԱՆ ՍՏԱՑՄԱՆ

Խնդրում եմ, համաձայն Արտահանման խթանման նպատակով օժանդակության տրամադրման ծրագրի՝ տրամադրել օժանդակություն:

Կից ներկայացնում եմ հետևյալ փաստաթղթերը՝

1) արտահանման մաքսային հայտարարագրի («մաքսային տարածքում վերամշակում» ընթացակարգով ներմուծած և հետագայում «վերարտահանում» ընթացակարգով արտահանած հայկական ծագման ապրանքների դեպքում այդ ապրանքների ստացման նպատակով վերամշակման ծառայության արժեքը հավաստող փաստաթղթերի (հաշվարկային փաստաթուղթ, ոչ ռեգիդենտին տրամադրվող՝ ապրանքի մատակարարումը հավաստող փաստաթուղթ (ինվոյս), պայմանագիր և այլն), հաշվարկային փաստաթղթի, ներմուծող և արտահանող կողմերի միջև կնքված արտահանման մասին պայմանագրի և արտահանումը հավաստող այլ փաստաթղթերի պատճենները, ներմուծման հայտարարագրերի պատճենները՝ հաստատելով, որ պատճենները համապատասխանում են բնօրինակին.

2) արտահանվող ապրանքի խմբաքանակի՝ Հայաստանի Հանրապետության ծագումը հավաստող փաստաթղթի պատճենը՝ հաստատելով, որ համապատասխանում է բնօրինակին.

3) **(ենթակետն ուժը կորցրել է 05.06.25 N 739-Ն)**

4) Հայաստանի Հանրապետության արդարադատության նախարարության իրավաբանական անձանց պետական ռեգիստրի գործակալությունում պետական գրանցումը հավաստող վկայականի պատճենը.

5) բանկային հաշվեհամարը.

6) հայտարարություն՝ համաձայն N 2 ձևի.

7) այլ տեղեկություն՝ հայտատուի ցանկությամբ:

Առդիր՝ — էջ:

Տնօրեն, անհատ ձեռնարկատեր

(ստորագրությունը, անունը, ազգանունը)

20 թ.

(ամսաթիվը, ամիսը)

Կ. Տ.

(ձևը փոփ. 05.06.25 N 739-Ն)

Ձև N 2

Հ Ա Յ Տ Ա Ր Ա Ր ՈՒ Թ Յ ՈՒ Ն

ՏՎՅԱԼՆԵՐԻ ՀԱՄԱՊԱՏԱՍԽԱՆՈՒԹՅԱՆ ՄԱՍԻՆ

—ս հայտնում և հավաստում

եմ, որ՝

(կազմակերպության ղեկավարի անունը, ազգանունը կամ անհատ ձեռնարկատիրոջ անունը, ազգանունը)

1) դատական կարգով սնանկ ճանաչված չեմ.

2) օժանդակություն ստանալու նպատակով հայտի ներկայացման օրվան նախորդող 365 օրերի ընթացքում հարկային մարմնի կողմից վերահսկվող եկամուտների գծով մեկ միլիոն դրամ և ավելի հարկային պարտավորությունների մասով գանձման որոշում (որոշումներ, որոնց շրջանակներում գանձման ենթակա հարկային պարտավորությունների հանրագումարը կազմում է մեկ միլիոն դրամ և ավելի) առկա չէ, և հայտի ներկայացման օրվան նախորդող օրվա դրությամբ չկան հարկային մարմնի կողմից վերահսկվող եկամուտների գծով ժամկետանց պարտավորություններ.

3) « _____ »-ի գործադիր մարմնի ներկայացուցիչս հայտը ներկայացնելու

(կազմակերպության անվանումը (անունը), անհատ ձեռնարկատիրոջ անունը, ազգանունը)

պահին նախորդող երեք տարիների ընթացքում դատապարտված չեմ եղել տնտեսական գործունեության կամ պետական ծառայության դեմ ուղղված հանցագործության համար, բացառությամբ այն դեպքերի, երբ դատվածությունն օրենքով սահմանված կարգով վերացված կամ մարված է:

Հավաստիացնում եմ, որ սույն հայտում պարունակվող տեղեկատվությունն արժանահավատ է և ամբողջական: Գիտակցում եմ, որ որևէ կեղծ փաստաթուղթ կամ տեղեկատվություն ներկայացնելը հանգեցնում է օրենքով սահմանված պատասխանատվության:

Ես՝ _____ ս, պարտավորվում եմ իմ կողմից ներկայացված նշված տեղեկատվության որևիցե փոփոխության դեպքում տեղեկացնել Հայաստանի Հանրապետության Էկոնոմիկայի նախարարությանը:

_____ (կազմակերպության, անհատ ձեռնարկատիրոջ (անունը) (ղեկավարի պաշտոնը, անունը, ազգանունը)

_____ (ստորագրությունը)

_____ 20 թ.

(ամսաթիվը, ամիսը)

(ձևը փոփ. 04.12.25 N 1758-Ն)

(հավելվածը փոփ., խմբ. 05.06.25 N 739-Ն, լրաց., փոփ. 04.12.25 N 1758-Ն, փոփ. 09.04.26 N 469-Ն, լրաց., փոփ. 04.06.26 N 803-Ն)

**Հայաստանի Հանրապետության
վարչապետի աշխատակազմի
ղեկավար**

Ա. Հարությունյան

30.01.2025
ՀԱՎԱՍՏՎԱԾ Է
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ

Պաշտոնական հրապարակման օրը՝ 30 հունվարի 2025 թվական:

Փոփոխման պատմություն

Փոփոխող ակտ	Համապատասխան ինկորպորացիան
04.06.2026, N 803-Ն	23.01.2025, N 98-Ն
09.04.2026, N 469-Ն	23.01.2025, N 98-Ն
04.12.2025, N 1758-Ն	23.01.2025, N 98-Ն
05.06.2025, N 739-Ն	23.01.2025, N 98-Ն

Փոփոխված ակտ

Փոփոխող ակտ	Համապատասխան ինկորպորացիան
--------------------	-----------------------------------